

Te taata toa, e ere te Tavana e te haava, o te hunaaro i te hoe hohoa o tei enei *vea*, au tau mai ia e 3 farane no na avae etoru.

Faaau mai ia Tepito te nei parau i Papeete.

# TE VEA NO TAIITI,

Ei haaparare raa i te parau rii api e faufaa hia i to te ma enua i roto i te Hau Tamaru; e neia i te mau mahana maha toa.

O te feia hoo taou, e te mau taata e haaparare i te tauu raa taou, e tia ia i te nei i atoa hia ta ratou mau parau faate i roto i te nei. *Tea*, ia au tau mau ratou i farane no te reu hoe.

Faaau mai ia Tepito te nei parau.

## PAEAU PARAU O TE HAU.

### FAATOROA RAA.

I roto i te *VEA* no te tapati i mairi aenei, na hapa roa tehoe vahi i faaite hia 'tu, ua nao hia 'tu taua vahi ra e: « Ua faatoroa hia o *Turimai* e ei mutoi no Papara ei mono ia Mailhi; » Ua hapa roa ra taua vahi ra. Teie te faatoroa raa mau: ua faatoroa hia o *Haerearoa* ei mutoi no te mataeinaa ra o Papara, ei mono ia Mailhi o tei faaore hia aenei te toroa.

Papeete, te 15 Ditema 1853.

Te eè o te Tavana,  
Papaiahia: BRIOT.

*Faite raa no te huru o te haava raa i roto i te mau mataeinaa.*

Raverahj aenei te tia raa i te hau ia parau, e i roto i te faatitiaifaro raa i te parau tia, ua tuu hia te mau parau i faataahia e te mau haava mataeinaa, i te parau a te taata ee, tei patoi hia i faautua hia e te Ture. E mea tia roa, ia faaite atu i te mau Tavana, te mau haava, e te mau mutoi hoi, i te vahi e au ia ratou, e te otia o to ratou ra mau toroa, ei faaore i teienei anotau i mua nei i te peapea, e te maro raa i to ratou mau toroa.

Te Tavana mataeinaa tei hau i te mana i te faatere o te hau i roto i tona mataeinaa. E ore no te tamau raa i te maitai anae ra e hio hia tu ai oia, e hiopoa maite atoa ra oia ia rave te taata toa i tona toroa, tei te itea raa ia te hoe hara i te mutoi ra, e faaite oioi atu ia, te raatira mutoi i te Tavana mataeinaa. Na te Tavana mataeinaa ia e faataa, mai te mea e tia ia afai i te haava ra, ia faautua hia mai e te Ture; e aore ia, no te hoe mea, o te au iana nae ra ia manao, tia aera iana te faaore ae i taua haava raa ra, mai te mea, te manao ra oia e au ia haava. E faaite atu oia i te haava ra, nanaiho e faaite atu te reira ia, nana e faaue atu ite hoe mutoi e faaite ra, o te reira ia. E tei te tae raa tu a taua ohipa ra i roto i te rima o te haava, e ore roa tu ia e tia i te Tavana mataeinaa ia haapeapea noa' tu, ei huri e raa i taua haava raa ra. Tei mua te haava i roto i tana Tiripuna i te aro o te Ture, e i tona manao tia nae ra. E ore e tia iana ia parau atu, e ia faatia tu i te tauturu raa mai o te Tavana. E faautua ra oia, e aore ia, e faaora mai te au i te ture, e tona ite raa. Na te hau ia e hiopoa maite

atu, ia ite patu oia, e aore roa te haava i faaipa e i huri haere i te rave raa i tana ohipa.

Mai te mea ia manao te Tavana mataeinaa, no te hoe mea e manao hia e ana, e e ore taua hara i itea i te mutoi ra e au ia haava hia, e faaite mai ia oia i te hau nei, i te mau parau e faaite hia mai i roto i te bebedonna ra.

Te mutoi i faaue hia e te Tavana mataeinaa ei pari i te hoe taata i mua i te haava ra, e rave ia oia i mua i tana Tiripuna ra, i te toroa Auvahu Ture, oia tei haapaohia, e Raaputu i te mau parau atoa e itea i taua hara ra, o te faaite i te mau parau atoa, e o te titau ia faautua hia mai te au i te Ture. Te haava tei haapaohia ei faau, e i te tahi mau parau raa, i te haamaramarama i te Ture, te faataa raa i nia i te huri e te rahi o taua hara ra, e i te utua nei e au no tana hara ra.

Ua manao te Hau e mea faufaa rahi ia faaite noa i o nei i te tuzuru no te haapao raa i te mau mahana toa, ei faaite i te feia toroa no te mau mataeinaa, i to ratou toroa mau, e te otia o te mau ohipa e au ia ratou atoa ia rave.

Mai te mea, ua faaite hia tu te mau mataeinaa, no to ratou haapao maitai e te itoitaito i te faa apuraa i ta ratou mau aua hau, e tia ia aruehia; e mea tia toa ia faaite atu i na mataeinaa ra o Tiarei e o Faaa, e e rave ratou i teienei e faatia e e vaere i te hoe aua api, e ia tanubia i te ubi, e aore ia i te umara; ia na reira ratou ra, te pee atoa ra ia ratou i te itoitaito raa i nia i te ohipa, tei faaite atea hia e te tahi mau mataeinaa; tei Punaauia tei hau roa, tei rahi te moni i roto i te tabula rahi faaite hia i roto i te *Vea* no te Tapati i oti aenei. E mea mau, e ohipa rahi ta teienei tau Mataeinaa, te tahi i te rave raa i taratou purumu, e te tahi, te ohipa no te faatia raa i ta ratou fare pure raa, no reira i ore i tia i ta ratou i te rave i te aua api, e te haapao pabu atoa hia ra tei reira mau ohipa; i teienei ra, ua oli atura taua mau ohipa ra, e haa peepee ia ratou i te titau faahou raa i te reira maa taime i pau.

Ua itea' toa hia hoi e o te fenua tanu pine-pine hia ra, e ore ia e rahi te maa e tupu mai ia tanu faahou; e o te huru mau hoi ia i teienei tau mataeinaa e parau hia nei; e vaere hua ra, e e tanu i te hoe fenua api, vaiho noa tu ai taua mau aua tahito ra ia vai noa na, ia maitai faahou, e ia rahi mai te hotu raa i teienei matahiti i mua nei.

## PARAU FAAITE NA TE HAU.

Mai tei faaite hia mai i roto i te irava 6, o te Ture no te papai raa fenua; te mau fatu fenua i roto i te mau matacinaa ra i Pare, Arue, Faau, Punaauia e Paea no ratou te mau fenua i huri hia e tei ore i papaibia e te Komite no te papai raa fenua, no te mea ua maro hia; tei rave hia ra e tei faataa hia e te Tiripuna horo raa, e aore i horo faahou i te mau Toohitu ra; e o tei faataa hia hoi e te Tiripuna a te mau Toohitu ra, tei riro ei rave raa hopea, e te tia ore ia horo faahou; e haere anae mai ratou i Papeete nei i te mau mahana matamua no teienei avae ia Tenuare nei; e haere tia ratou i te fare no Miti Darling (oia hoi Roometua) te papai parau no te Komite, e ia papai hia to ratou mau fenua, mai tei faaite hia i roto i taua mau parau faataa hia e taua na Tiripuna ra. Mai te mea, e fenua rave hia e te Tiripuna horo raa, e aore i hopoi hia i te Tiripuna a te mau Toohitu ra, e afai atoa mai ia oia i te hoe parau faaite na taua Tiripuna ra i te faaite raa, e ua riro taua fenua ra iana; e i te hoe hoi parau na te papai parau a te mau Toohitu, i te faaite raa, e aore tei ere i horo atu i te mau Toohitu ra. Mai te mea, e fenua rave hia e faataa hia e te mau Tobitu ra; e afai mai ia oia i te hoe ho'oa no te parau i faa taahia e te mau Toohitu tei faa riro iana ei fatu; e aore ia i te hoe *Vea no Tahiti*, tei faaite i roto i te paeau parau no te hau i te parau faataa hia e te mau Toohitu no taua fenua ra. Te mau ravea toa i tamata hia e te mau taote no te patia raa i te pirau i tae mai nei no te meu vahia atoa, e o te haponu atoa hia mai e miti Darling no Punaauia i tetahi mahana aenei, aore roa ia i manuia. E ore roa te Hau e faaore noa e i tehoe ravea, ei paruru i teienei mau fenua i te mau mai rarahi, tei tupu haere i tetahi mau fenua aera, e mai te mea aore te mau ravea i rave hia aenei e tae roa mai i teienei mahana i faufaa hia, te hinaaro nei ia manuia ia tae mai te pahi ra o *Moselle*. Teie nei pahi manua tei tia hia i te mau mahana toa nei, te horo mai nei mai Vaihi mai, te afai mai nei ia i te pirau api, e ia tae mai ei reira e patia oioi hia i.

Te mau pahi i tapae mai, mai te mahana 7 mai a no ditema.

Tira piti farani o *Caroline*, tapena Rousseau, mai Ana mai.

Tira toru amerika o *Contest*, tapena Brewster, mai Oahu mai.

Tira piti amerika o *Emma Parker*, tapena Lathan, mai California mai.

## Na pahi i reira.

Pahi auahi Farani a *Duroc*, tomana de la Vaisière.

## HAAVA RAA I TE MAHANA 14 NO TITEMA 1853.

Haava raa a te tiripuna matamua, o tei faatua i te taata tahiti ra ia *Viri*, o te tia i Papara, i te utua hoe hanere farane, e e pae ahuru farane utua no te Hau. e e aufau atoa hoi i te tarahu no te haava raa, o oia i hoo noa i te hoe peru alu, ma te roaa ore iana te hoe parau faatia na te Hau.

Ua faaue e ia faahoi hia te mau taao i haru hia i te taata taao ra nana ra, e tuu mai i te tarahu no te uta raa mai i Papeete nei, ia hope tana utua e te tarahu no te haava raa i te aufau hia tu e ana i roto i te fare vai raa monia te Hau.

Ua faaue e ia nenei hia te parau no taua haava raa ra, i roto i te niu pepa farani, e i roto atoa hoi i te *Vea no Tahiti*.

Haava raa ia na taua tiripuna ra, o tei faaore ia *Le Harde*, taata faaapu farani o te tia i Papara, i te pari raa e, ua hoo i te uina, e aore ana e parau faatia i te hoo raa.

Ua faatua iana e e aufau i te tarahu o te haava raa.

Ua faaue e ia nenei hia te parau no taua haava raa ra i roto i na *Vea no Tahiti* nei.

Haava raa ia na taua tiripuna ra o tei faatua ia *Lefevre*, taata faaapu farani e tia i Papeete, i te utua e pae ahuru farane, e i te tarahu no te haava raa, o oia i rave noa i te ohipa patu e te parai fare ma te roaa ore mai iana tehoe parau faatia.

Ua faaue e ia nenei hia te parau no te haava raa i roto i na *Nea no Tahiti*.

E hohoa mau :

Te papai parau no te haava raa,

Papahia : *Ver D'UPOND*.

Ua hio hia e au :

Te peretiteni,

Papahia : *LEBRIGANT*.

Te êc no te Tavara : *BRLOT*.